



Universitätsbibliothek Paderborn

Asiaticae Historiae Societatis Iesv Pars ...

Libris Qvatvor Comprehensa: Vbi praeter res gestas à Patribus Societatis Iesv in conuersione Sinarum, Cocincinae, & Tunchini Regnorum nihil omittitur eorum, quae possunt liberali placere Lectorum curiositati

Bartoli, Daniello

Lvgdvni, 1670

63. Regni census.

urn:nbn:de:hbz:466:1-10757

rietary semper noua : sic nihilominus solerter , & compositè dispensantur , vt Rex ipse in speciem iners , reuera omnia peragat : multorum enim tribunalium agitata , complanataque disputatione , multis & magnis discreta sententiis ad illum cum veniant , in promptu habet rectum de illis iudicium , eaque vnius characteris adscriptione , vel probat , vel reiicit . Sunt namque in aula , Sapientum tribunalia , ad quos regni totius negotia in classes totidem sciuncta referuntur : suus est cuique tribunalis Praeses , Assessores , Magistratus ; Amanuensium , & Ministerorum turba ingens . Omnes de fisco regio largiter auctorati ; nullius tamen tribunalis eò potestas extenditur , vt supremum de rebus pronuntient , causisque adiudicent , eorum est tantum de illarum iure cognoscere & consilium dare , quod partim pro suo cuiusque officio præstant ; Rege partim iubente , vt supplicantium retractent libellos , quos ad se vndique immenso numero priuatim , & publicè perlatos , eorum examini committit . Supremum tribunal , Mandatinorum curat vastam hierarchiam per quos negotia omnia etiam bellica proximè reguntur , consensione mirabili , minoris cuiuslibet cum superiori . Ab hoc aliorum principe tribunali , Magistratum pondus cum ambientium viribus libratur . Recognoscuntur omnium qui regunt etiam infirmorum tūm recentiora merita , tūm & commerita , quæ cum ad illud perferenda minimè dubitant , caute in officio continentur , vel cupiditate maioris præfecturæ , vel metu exautoramenti perpetui , quod morte ipsa multis est grauius , repente sèpius atque improviso in ordinem redactis . Senatus huius cum infinita sit in vniuersi imperij Magistratus autoritas , ecclii Mandarinos , eius Præsidem & Assessores vocant , tanti est illic posse homines dignitatibus augere , vel iis excere . Tribunalis alterius Senatum Quæstores faciunt , regij vestigalis , & sumptuum penes illos cura , nullus enim est agri tam vasti angulus qui Regi centesimæ nonam decimam non pendat , nemo à capitatione eximus , præter Literatos , milites , consanguineos Regis & paucos alios ; iura beneficiaria , ciuilia , vestigalia , redditus annui absque numero ; impensarum alia ex parte tam profundus gurges ut nihil Regis magnificentiam quam ærarij opulentiam parcus illustrent , etsi de fisco ne obolum quidem frustra , vel temerè proferat . Horum omnium rationibus instat secundum hoc tribunal ; quin & arbitrariis donis concedendis , quo pacto si minus ligatae , impeditæ sint saltem Regis manus post paulum pateficiet : iam quod regij census pertingat summa , ægrè iis persuadebitur , qui suæ patriæ modulo , aliena omnia metiuntur , certo Regni censu ^{63.} pertinet ad annuos centum quinquaginta ut minimum auri sus . millions ; & cannabes , serici , orizæ , fecni copias , vndequeque pro amplitudine Prouinciarum , & vrbium immanes , qui tot opum tam profli fontes in vnum collecti flumen ærarij regij . Sunt triplici dividuntur ; pars subit in dominum sumptusque regios ; pars in æraria quæ Prouinciaz singulæ seruant semper argento copioso in casus necessarios

munita : tercia eaque potissima in Literatorum & militum innumerablem populum , tum inaugurandum , tum condignis ornandum & sustentandum stipendiis ; in templo , cœnobio ; in academias & pontes , in naues , & palatia , & quicquid toto demum imperio , publicis viibus fuerit institutum , quibus tam prodigiosis interdum Rex impar cogitur , noua prouinciis tributa imperare : vbi succurrit lepidum Marci Poli nobilis Veneti qui rogitantibus amicis & ciuibus de Sinatum regno ex quo velut orbe ignoto redierat , cum Prouinciatum opes , & regias nisi millionibus aureis non censeret ; cognomentum accepit millionis tam constans ut ex fortuito in proprium transiret nomen , quo in veteribus Reip. tabulis appellatur , nec eius aliter ad S. Chrysostomi domus nominatur quam palatum millionis . Tertium tribunal Ritibus praesidet , grandi , si quod aliud regni negotio , haud quidem solius comitatis , & elegantiæ studio , sed quod ea decori exterius tenendi accusatione , putant legis suæ præcepta contineri , & documenta probitatis , ex virtute profectæ , & egregiæ indolis bonitate . Sunt autem præcepta illa quinque iam inde ab ipso Sinatum exordio posita & perpetua Scriptorum & Literatorum commendatione semper noua , nunquam obliteranda . Obseruantæ nomen iis tribuunt referuntque illa , vt alia omnia ad felicitatem priuatam & publicam , fructum præstantissimæ gubernationis qui mutua constat conditionum diuersatum & personarum necessitudine , ac decoro : filiorum videlicet in parentes obsequio & veneratione ; subiectorum erga Regem fide ; vxorum aduersus coniuges morigero ingenio ; fratrum erga natu maiores obseruatione ; amicorum inter se fidelissimo nexu , & amore . Quibus virtutibus cum esse prædictos homines deceat , aiunt pariter æquum esse ut exterius se prodant omni eo genere comitatis quam vicissim sibi omnes debent : cui obseruantæ diligentiam suam intendit hic Senatus ; quanquam præter hanc etiam in templo , in religiones , sacrificia , festa , sacerdotes , & quicquid est sacrorum titum suam operam porrigit , non simulatione impia , diuinis Deoque vtentium , vt rationibus Principum aduersus Deum famulentur , sed quod arbitrentur Reipublicæ conuenire ; et si enim Deum quem se desperant inuenturos , querere negligant , saluam tamen optant grati animi virtutem , quam si ab hominibus auferant , videantur illos mutasse in bestias : quamobrem cœlo , soli , stellis , anni vicibus quatuor , & mundi partibus , tutelaribus item urbium geniis , terræ , montibus , & fluuiis sacrificant , non quod opinentur , inesse iis aliquid diuinum , sed ne ingrati sint aduersus illa ex quibus tantum bonorum percipiunt , versuri omnino stultum hunc erga sensu carentia honorem , in venerationem primæ bonorum causa si eam agnoscerent . Ad hæc funebres ritus , parentalium , urbanitatum officiosarum , epithalamij regij , & legationum ; Professiones regiæ clientelæ , & honorarios ab Rege titulos suis consiliis moderantur . Datisque ad Regem literis respondent , quod is sua indignum censeat maiestate , eas responsione aliqua

aliqua dignari. Quarti fori tribunal rem militarem administrat, qui labor in regno summè pacifco iudices illos non leuius occupat, quām si bello vniuersum arderet. Hi militem imperant, Imperatores dicunt, Duces præficiunt, classibus maria insternunt, huiusque omnis apparatus regni finibus propugnandis partem alteram addicunt; alteram longē numerosiorem, in procinctu perpetuo habent, & in occasione omnes promptam, & paratam: ad eosdem spectant armamentarij, officinæ armorum fabriles, & fusiles, distributio militum toto regno, illorumque probatio, merita, præmia, & pœna. In foro quinti tribunalis vertitur quicquid vbiique Provinciarum & vrbium, ædificiorum regiorum nomen comprehendit, in quibus est infinitas quædam palatiorum, & nauium, quæ ad Regis magnificentiam, usque regiae utcumque pertinent, vel eius consanguineorum, quoram ad multa millia numerus excreuit. Sextum denique tribunal, de capitalibus cognoscit, & quod apud nos portento simile, de instrumentis cruciabilibus, & carnicibns ad siderandum terrore populum magis idoneis. Ac videntur quidem aduersum reos parcendo & plectendo extrema sectari, sed hoc putant Sinæ magis conducere ad humanitatem quam tanti faciunt, conseruandam, & vitandam in reos crudelitatem inexorabilem, itaque viuicomburia, & rotas, & cruce, & forcipes, & diuellenda quadram corpora, proponi quidem oportere, minime tamen in opus conferri, nisi ob rara criminum & impiabilia portenta, quibus certè interdum tam atrocia infligunt supplicia, non modo ut summo in iure summa iniuria illos afficiant, sed humanitatem quam tantopere affectant, credi possint mutasse atrocitate belluina. Qualis est cum reum forcipe frustatum dilaniant, & resecandis lentè nouacula carnibus non prius absoluunt quam fructa eorum sesqui mille, nonunquam & tria millia projecta ob oculos cornat, ac tum deum truncato capite, mortem illi concedunt, ceterum fere capitales reos, gladio, aut laquo plectunt, ac ne id quidem nisi propter noxas extra modum graues, inter quas furta non numerant, tametsi nullum inter Sinas majori odio crimen sit, nullum frequentius. Prima nihilominus eius pœna, admonitio magis est cauendi in posterum peccati quām admitti vindicta; secunda, furis brachium inurit æterno charactere; tercias, si tertium recidat frontem ipsam, & si post etiam fuerit deprehensus, aut multis contunditur plagiæ, vel sumnum ad transtra damnatur; quæ suppliciorum lenitas insidiis & latrociniis omnia implevit, quibus utrumque inhibendis sub noctem lictorum exercitus v̄bes totas ad usque auroram percursant, & crepitaculis ærisque strepitu, seu monent ciues caendum à furibus; seu fures à ciuib⁹, quod remedium magna pars mali est, cum trifur s̄pē sit ipse forum inuestigator, & expulsor. Sed fori huius horrendam speciem, exhibet apparatus quo ciuis Administri in publicum prodeunt. Antecedit illos longa carnificum & lictorum turba, studioso delectu ex Tartaris conscripti, ore, habitu, vultu furijs simi-

les, quisque terrible aliquod cruciandis reis gestantes instrumentum, velut in omnibus compitis, lanienam crudelem edituri; vulnus verò tam paucos mittunt, ut nulla in sylvis bellua tam dire ferociat; ad eorum clamorem, tanquam solutis orco dæmonibus, omnes in fugam, & latebras se dare, domorum fores, & fenestrae occludi, solita populis stipati plateæ, tunc solitariæ, tristi silentio paucere: Nec est hic ludus aut ceremonia, in venerationem, metumque iustitiae comparata; crudè adeò cæditur cui male feriato contigerit, oculos tollere, & in Rhadamantum illum desigere, portatur is humeris lectoriorum, quales Poëtæ describant vtores citimimum apud inferos iudices, & hac se Orcina maiestate ostentat populis, capitalium Magistratus; nec severitate minus vultuosa causas in suo prætorio audit, præsto sunt illic iidem tortores, & eosdem crebro iterant vulnus, maximè cum portas citatis pandunt; sedet sua tumens ferocia iudex; procul hi de genibus cernui respondent; peracto foro palatum clauditur, signantur fores, nefas cuiquam exinde affari Præsidem, haud tam opinor ad terroris tenendam æquabilitatem, quam integratatis, nullius suasu euertendæ.

Postremò Colais imperij Patribus, & supremis causarum rerumque arbitris quæcumque ad Regem deferuntur, sex illa, quæ dixi subsunt Prætoria; singula singulis, sedes illis eadem quæ Regi, Pechinum civitas, tribunalia cetera etiam Nanchino concessa sunt ne ferret ægrius aulam à se olim Pechinum translatam. Soli ex Magistratibus Colai, quotidiè ad palatum procedunt, missos ab aliis tribunalibus libellos retractaturi maturiùs, suamque de iis sigillatim, Regi sententiam significaturi, qui si postulatis annuerit, XI. nota approbationis, hoc est, fiat, subscriptos remittit. Verum enimvero, si periculosi, aut ambigui iudicij res erit, haudquaquam indignum sapientiæ illius suæ sublimitate arbitrantur, Prouincialium Magistratum, rogare consilia; imò non nunquam & vrbi, quæ Parlamento & Senatu clarent; ex iis consiliis Regij Collegij Doctores, eum optimum quodque collegerint id Colai ab se recognitum Regi denique exhibent, moxque libellionum turba, responsi Regij toto regno infinita spargit apographa, omnibus, vbique certò persuasis non posse quidquam ex tam augusto prodire tribunali quod non sit omni ex parte sanctum; hæc deinde responsa, in libros composita, & in Typos data, historicis publicis illustrem suggerunt scribendi materiam, quin & quicquid aula statuerit commune aut priuatum spectans, decimo quinto quoque die ad omnes regni Prouincias perfertur. Hæc omnis tam diligens, & ex uno suspensa publici totius administratio palam facit Regem supremo imperio, & iure regnare, cum & agi & capita eius sint, nec possit tot tribunalium tam augusta authoritas nolentem cogere, sed cum ita eset maximè optandum vnius imperium, vt esset pariter in summa illius potestate tyrannis metuenda, sapientissimè prouisum à Priscis illis conditoribus legum Sinenium ne fas Regibus foret pro sua libidine, quæ daturi

daturi essent consilia spernere , sancitum ne Regibus liceret nisi iustum & rectum velle ; illis ipsorum consiliis nihil posse iustius , nihil æquius statui ; Reges ergo debere iis acquiescere quæ pro officij ratione deliberassen fuggerenda , supremo iuri hoc iure nihil detrahi , iniq[ue] agendi facultatem non esse potestatis , sed impotentiae quæ præstet catere quæm ea soluta & libera frui . Iusti potrò illius & recti normam quo dandis consiliis ministri ; iubendo Reges obligantur , Sinarum leges immutabilem describunt ; non quod æternæ sint , aut quicquam duodecim tabulis vel iuri Cæsareo simile habeant , cum earum ætas , annos familiae regiæ non excedat . Nouus Imperator nouum condit imperium , nouum à se imperio nomen ponit , natalem annum nouum , ab inauguratione sua illi facit , nouis instituit legibus , reten-
tis nihilominus , quarum virilitas vniuersali omnium approbatione commendatur ; & adscitis quæ maximè in præfens conducunt , neque id suo vnius arbitratu , cum legum auctores lege illie primaria tensan-
tur in quam suas omnes referant oportet , felicitatem nimirum imperii , quæ perpetuando in longas ætas eidem familiae sceptro , magnopere sita est , quare huius quoque habenda est ratio , in adiunctione legum nouarum ad veteres , ne extinctione regii sanguinis regnum omne ca-
lamitate & cædibus furor ambientium euerterat , stabilitis à se nouis le-
gibus Imperator , confirmatisque veteribus , obstringit posteros , regni
sua è familia hæredes , qui pro illa quam præstant maioribus veneratio-
ne , obseruant eas accuratissimè ; quod ipsi vt faciant , quamuis grati
animi officium & promissi fides , & recti amoreos non cogeret , cogit
literatorum metus , qui acerrime illas æmulantur ; armaque & armorum
neruos , regni ætarium , vniuersumque populum sic habent ad manum
vt possint illum aduersus Regem momēto vettore . Rex tamen cum possit
omnia nec iuris vllijs quisquam nisi ab illo vmbram obtineat sibi tamen
nunquam tantum assumpserit , vt quicquam statuat , vel donet , vel
gratificetur præter usus antiquos & legum præscripta , & tribunalium
iurorum deliberata consilia ; quæ dum ipse exquirit , commendationem
ad summam rei proposta suam addit , ex qua vt maximè propensum
ipsius animum perspiciant consiliarii , nunquam ab legibus , & more
veteri abduci se sinant , licet de tenui solùm munusculo agatur , nisi
forte ex iis decerpatur quæ in sumptus regios attributa , possunt eius
arbitrio dispensari . Atque vt ex uno discamus quanta sit ministrorum
illorum libertas , & animi robur , in asserendo legum , & recti iure ,
autem annos ferme quinquaginta Vanlieus Regni sibi hæredem destina-
rat minorem filium excluso majori cui successio debebat ; id vbi ref-
eritom , mox in aulam confertim libelli pluere , reuerenter quidem , ve-
rum & audenter improbantium Regis consilium , & obiectantium quæ
fama inde posteros , quis sermo Regem Vanlieum à muliercula fasci-
natum à se vsque adeò desciuisse vt ex legum supremo vindice , publi-
cus earum violator euaderet , mulierosior maritus & durior parens . Qui

I 3
63.
Constantia
Magistratus.